

書名 皇明文衡一百
卷 正德五年
序刊本
撰者 明 程敏政 輯
明 范震、李文
會 校

卷 卷六十三
內容分類 集 總集 各代 明

索書號 大木 集部 總集類 30
編號 D7861500

彩色首頁1

東洋文化研究所漢籍目錄 編號: D7861500

東洋文化研究所漢籍目錄所藏漢籍善本文影像資料庫 索書號: 大木 集部 總集類

30 漢籍善本文影像資料庫文本 皇明文衡一百卷 正德五年序刊本

版權所有: 東京大學 東洋文化研究所

使用上的注意事項

卷六十三



皇明文衡卷之一

代言檄

原檄



翰林院學士新安程敏政選編
鄉進士國子監助教永康范震校正
賜進士應天府儒學教授郊鄧李文會重校

宋濂



自古帝王御天下中國居內以制夷狄夷狄居外以奉中
未聞以狄治天下也自宋祚傾移元以北狄入主中國
不臣服此豈人力實乃天授然達人志士尚有
美自是以後元之臣子不遵祖訓廢壞綱常有
如大德廢長立幼泰定以臣弑君天曆以弟醜兄至於弟技



皇明文衡卷之六十三

碑

大明勅建太學碑

宋訥

洪武十四年夏

上詔羣臣曰王者受命武功文德相繼成治定天下以武治不以武也其崇文乎顧茲成均地隘而陋何以振文教朕相基於雞鳴山下高爽平遠豈天協朕心若藏此地俟與一代學乎羣臣稽首曰

皇上聖神斯文福也乃以

天子學制授諸冬官冬官臣恭奉

明詔夙夜匪懈榘楠豫樟來積如阜鑿山載石興土築基梓人效藝以宏其制又遣金吾前衛親軍指揮譚格督其工凡

堂有七彛倫所以會講率性修道誠心正義崇志廣業則諸生肄業所也會撰有堂庖廚有室井覆有亭物貯以庫餼廩蔬園重門繚垣回廊儲書兩堂之間東西有館助教正錄居焉東偏列室鱗次諸生處焉廟在學東亢以增基大成有門七十二賢有廡凡爲楹八百一十有奇壯麗咸稱自紀始以來大駕臨役者不一夫子而下像不土繪祀以神主數百年夷習乃革明年五月冬官奏廟學成十有一日天子遣使祀先師以太牢禮畢胄子及民之俊秀登堂受業學之禮制備矣十又七日

上躬臨廟禮行酌獻再拜而退乃達學學官率諸生進拜堂

下博士臣龔敷執經祭酒臣吳顯講經既畢

萬乘是還此千載曠儀講而行之斯文增重矣六月一日

上又賜勅文重諭胄子禁制防遏之法訓迪誘掖之意無不

至焉越一日

帝御奉天門詔臣訥文之于石臣拜手稽首不敢以不文辭承命遂述興造始末爲之言曰孔子之道垂憲萬世帝王之興首建太學蓋學所以扶天理淑人心也皇極由之而建大化由之而運世道由之而清風化本原國家政務未有舍此而先者或有未備則無以維三綱五常之具示作人重道之心

聖天子位居君師續道統于堯舜禹湯文武建學定規高出前古凡我登堂養正游藝之士斯言斯誦相勉相誨無負教養則正人端士叢出而爲國家棟幹作

聖子神孫之業萬世而無窮者當自今始願臣庸陋敢不對揚

帝命式昭盛代之典文也拜手稽首而獻頌曰
於惟

聖皇臣伏萬方乘時縉綸武偃文揚諸慶發祥載整乾綱乃
相學基雞鳴山陽平遠高爽非麓非岡武輝京邑隱若天藏
考制定規

聖度曷量乃授工曹孰敢怠違工師用勸效技允臧有廟有
庶有廊有堂鱗比而重龍起而翔登用儒臣教化昭彰佩服
鏘鏘弦誦洋洋正學有傳師道有常

萬乘來臨俎豆生光千載禮儀一代典章躬親講道超軼百
王聖製昭宣啓迪激昂寵及何於垂範流芳材育化崇殷

序周庠立極作則遠紹虞唐德進英豪業修俊良股肱
朝廷都俞巖廊以弘文化慶祚靈長願佑皇圖萬世無疆

勅建歷代帝王廟碑

兩儀判而人極立大統建而君道明粵自上古神聖繼作代
天理物以開萬世太平之治故天地以之而位四時以之而
序萬物以之而育六經大本以之而立盛德相繼傳至于今
欽惟

聖天子受天明命肇修人紀以建民極繼皇帝王之正統衍
億萬年之洪基稽古定制作廟京邑以祀歷代帝王重一統
也相舊廟地介乎通衢敷而弗嚴洪武二十一年秋始命改
作於欽天山陽越明年己巳夏五月三日工部尚書臣秦逵
奏成功請文劄石詔臣請爲之記臣忝職冒監懼不敢辭謹
拜手稽首而言曰帝王功德於昭于天宜有清廟以容神展
敬歷世以來祀典斯闕三皇五帝祭於肆類僅見于周而堯

舜禹湯發迹肇基及所經歷之地或有祠焉遣使致祭後世
有之至於合廟 京國歲修享禮古未之聞

皇上定鼎江左治功既成神人洽和禮樂明備凡廟祀之瀆
禮不經諛神非法者一切去之正名定統肇自三皇繼以五
帝曰三王曰兩漢曰唐曰宋曰元受命代興或禪或繼功相
比德相伴列像于庭金玉其相表冕混煌聚精會神威宅于
茲每歲春秋二仲詎日誓士

上御宸極制命大臣齋明承事饗豆靜嘉采盛豐潔告克告
碩神格洋洋所以推惟本始式昭曠典者至矣三年則

命官奉香幣詣陵寢具儀物以時致享又以昭聖顯靈而示
不忘也嗚呼天生民而立之君所以靖亂也康濟天下阜成
兆民而登之仁壽之域者皆以奉若天道而已是故前乎三

代之官天下者天也後乎三代之家天下者亦天也皇帝王
之繼作漢唐宋之迭興以至于元皆能混一寰宇紹正大統
以承天休而為民極右之序之不亦宜乎秦晉及隋視其功
德不能無愧故黜而不與是可見

皇上敦名實重理道崇德報功大公至正之心真足以度越
百王垂憲來世永永無斁謹為之銘曰

惟皇作極克配天地丕昭盛化以正大位皇道而皇帝道而
帝歷夏商周三王迭繼熙熙皞皞同底于治於赫漢祖寬而
有制光武奮與炎靈用熾唐興晉陽遂有神器太宗重光力
行仁義明明有宋其德克類暨于元氏而亦用乂豐功茂德
後先輝音翼翼新宮有恤而闕貌像既嚴皇靈斯蒞享祀茲
芬儀文孔備陟降在庭神之攸暨祚我

皇明以克永世

追封徐王廟碑

陶凱

洪武四年夏六月丙申

皇帝御皇宮門召禮部尚書臣陶凱諭之曰

皇后父徐王馬氏世為宿州人家閔子鄉新豐里王本民家素質朴以兄弟齒序人稱之曰馬某王少壯時膂力過人沉毅寡言笑重然諾而性剛強疾惡見有為不義者視之若仇讎然或少忤其意輒肆毆擊雖至死無所畏憚鄉人莫敢犯當元政失馭天下將亂王以忿爭殺人恐逮於法移家定遠及天下大亂乃挈

皇后母避兵他所而以

皇后託定遠郭氏俾育為己女後郭氏首難自為元帥收和

朕亦為部下士遂以

皇后為朕之配既定天下即

皇帝位

皇后正位中宮封

皇后父為徐王母鄭氏為徐王夫人以他無繼嗣因立廟于太廟之東歲時奉祭然稽諸典禮古無其義於是即王所居鄉里闢地於瑩封之南作新廟奉安神主每歲以春秋仲月俾有司祇奉祠事爾宜述其梗槩刻諸堅珉用垂不朽臣凱既受明命竊惟人受天地之氣以生其得氣之厚而不薄者性必剛勇果毅然有不得志於當時而澤及於其後者必顯融光大此理勢之自然也今王有所抱負而無以發舒故常存疾惡之心其情怒所洩即以加諸人蓋亦豪傑之士哉使

遭逢盛際必能出將入相垂名簡冊而乃生不逢辰至身歿之後以

皇后父而得追崇王爵作廟故鄉使山川改觀并里增輝又豈非一出於天平臣凱謹拜手稽首而為之銘曰

維此徐方代生異人乘時啓運蔚為王臣惟王之生質性過厚不逢昌時深居默歆王奮厥怒孔武有力摧強折奸以輔

彛則當元之季天下擾攘挈家避地東南其行英雄陸沉豪傑未起抱恨重泉吁其已矣山川炳靈遺德所鍾篤生

聖女正位中宮
皇帝仁聖為天下父

皇后孝慈為天下母太妣嗣任則百斯男聖子神孫何千萬年川原膺膺新廟奕奕與國同光末世無斃

歙縣孔子廟碑

宋濂

歙漢縣也初屬丹陽自吳晉而下雖屢更為郡若州而縣仍舊名不廢其地為東越奧區號多佳山黟川如龍前行偃蹇不受羈紫陽問政二山又轟起東南勢若翔鳳鳳凰飛布紫金諸峯又騰翥于後先而黃山又直西北奇巒之不可名者凡三十六丹崖翠岑分割陽陰而吐和降精於無窮故士之生其間者或以氣節著或以道藝名時有其人近代尤稱多士立言著書動足名家是固因山川之靈攸鍾其沈涵陶育之者非立學之所致歟初學在縣治之東淳祐庚戌郡守謝坐始建至大庚戌縣尹宋節至正甲申縣丞葉琛皆葺而新之壬辰兵起而歙為鬪爭之場官廬民舍焚燹無遺而學亦廢矣澹烟荒照榛荆蔽途而狐兔或暮出衝心識者為之傍

程大息如是者十年辛丑之夏張侯齊來爲縣慨然歎曰歛
爲徽國文公父母之邦道德之化衣被天下雖時丁尚武而
其鄉學可久廢乎遂請于大府而經營之會故基已更構崇
陽書院遂於書院之東之裏者宜剪刈穢荒別爲新土充其
虧窪高爽壇疏有踰其舊中峙五寢象厥正配黼坐朱几嚴
事有容考圖從祀於兩廡間外敞正門列以書院法庭端潔
城平密鞏欄楯異遊術道直修外爲都墻樹以三門上應靈
星榮光昭煥廟左別築論堂直齋以處講師暨弟子員不啻
不侈無暨曩憲經始於秋九月考成於明年壬寅也秋八月
侯帥儒師行釋奠禮牲幣有飭庭燎伊燿罇俎維旅法齊必
芬神來顧歆如在左右觀者數繁至於詠蹈僉謂侯之嘉惠
吾民者深不可無以貽來久於是教諭江君材奉幣請文刻

諸靈牲之碑惟先王之制自諸子以至公卿大夫士之子使
之修德學道春合諸學秋合諸射以攷其藝而進退之是文
事武備均出於學也所以興師必受成而行及其選也則釋
奠于學而以訊馘告曷嘗析爲二哉自世道旣衰不復獲沾
先王之澤之盛人徒見提幡鼓而簡車徒者乃指爲武殊不
知制勝兩楹折衝千里而有所謂詩書之帥也侯於下車之
初能汲汲建學於用武之日可謂知斯道矣歛之人士尚當
搏心一力惇於明體適用之學平居之時則談俎豆而攻遺
經一遇四郊有警則揜戈上馬以收獻馘之功使議者咸曰
是生文公之邦而無忝山川之靈者庶幾不負建學之意不
然豈予之所敢知哉侯字仲賢齊其名也某郡人以行中書
掾擢爲令招徠懷集民驩趨之遂成市落縣解驛舍皆新作

之而尤急於農功築呂竭及良干范阮二塿歲必有秋其善政蓋不一而足當時相其成者則丞胡拱辰主簿王某及江君云

臨濠費氏先塋碑

皇帝登大位之三年覩四方之既平嘉諸將之勲烈乃十一月丙申大封功臣爲公侯錫以鐵券俾傳諸子孫於是臨濠費侯自僉大都督府事進開國輔運推誠宣力武臣榮祿大夫柱國平涼侯既而復謂賢豪之生基德累仁必繇于其先乃推榮其三世侯之曾大父五一府君贈驃騎將軍都指揮使護軍追封靈璧縣子大父六一府君贈鎮國將軍僉大都督府事護軍追封江夏伯顯考七五府君贈榮祿大夫同知大都督府事柱國追封平涼侯曾祖妣李氏祖妣及妣兩何氏皆從其夫爵邑爲夫人命書既下侯用牲醴詣墓河會祭于先塋榮光赫然照燭泉壤山雲宰木飛揚燄寒皆有異氣自是歲時奉祀惟恭侯間謂余曰吾世齒恒岷至于吾躬遭時遇 五奮自我行奉命克敵或專或裨凡十八年始于淮

江中於閩浙至於定中原舉關陝皆與諸將之列取城邑以數十計其艱且勤亦至矣藉

聖主之德念錄微勞爵爲列侯名載冊書人臣之榮無所與比顧豈吾材之能致哉實我祖考遺休餘澤之所及也惟我祖考皆有厚德爲鄉邦所稱宏址深源誕啓厥後恩數之加允稱不虛茲欲歌頌先德敷揚 聖恩樹石墓道俾後嗣知所自出非子孰宜余嘗待罪 國史撰次功臣勞烈知侯爲人仁勇有智畧事上御下以忠以誠今又弗忘其先以顯著

遺德爲事可謂知所先後善爲臣子者矣侯名聚字士英其
詩曰

帝乘六龍起江淮東濠泗之間爲漢沛豐維時費侯驅吼虎
雄壯馬長牙爲

帝股肱既定泗濱遂刻靈壁維滁及和一舉而踣孰謂大江
可限南北萬馬飛渡不以羽翼巍巍建業扼江而城旣入其

鄂

帝庸作京廣德旣綏遂平長興軍聲轟轟轉曰震驚蠢彼僞

吳假息于蘇愚弗量能自干天誅將命以行以弱以剋獲其

大醜歸實質鉄

帝德如日愈久而晰孰倚冰雪以詫弗拔何國何新何勅何

劣如朽之折如藩之撤閩浙旣清載征中原巨壘宮望風

而奔或奔或降追削其根中原卒平萬方來臻

帝嘉治平曰誰之功鐵券丹書錫爵命邦矯矯費侯平涼是

封豈惟其身榮迨祖宗侯有峻爵上推於父維祖甚仁伯于

江夏江夏之先靈壁是子考及其嬪咸有爵土費侯曰咨小

子無良祖考之休積厚而昌旣有土田又蕃牛羊維曰薦奠

以致孝享大登如几牲碩酒旨費侯泣祀陳豆奠筆擊鼓駭

駭焚幣煒煒費侯克孝祖考咸喜濠民謂侯勇不失身委質

聖君爲社稷臣濠民謂侯貴不遺親玉佩貂冠爲賢孝孫四

海旣同爵勳旣崇曷以承之維孝與忠忠以干朝孝以干

家繼德無愆第祿是荷

惠州何氏先祠碑

英傑之士立大功而享爵位者非其先基仁累善何能自致

哉然其先有德而子孫不知報祀者有矣知報祀其祖而棄
蔑其祖之子孫者有矣是皆不達禮義之弊也山東行中書
省叅政何公其篤於禮義者乎公名真字邦佐世居廣之東
莞至公始遷惠州祖諱發藻元贈中奉大夫廣東道宣慰使
都元帥護國軍追封盧江郡公父諱叔賢贈資善大夫江浙
等處行中書省左丞上護軍追封盧江郡公祖妣鄒氏母葉
氏皆封盧江郡夫人公祖暨父世有潛德鄉稱善士公生八
年而喪父母夫人守志不奪慈鞠嚴教少偉然有志當元至
正中中原兵起廣民王成亦構亂公爲小官卽請而討之已
而解惠州之圍逐叛將黃常復惠州會賊陷廣州公以兵復
之由惠州府判五遷爲江西等處行中書省左丞階資善大
大分省治廣公弟迪以從征功擢中奉大夫廣東道宣慰使

都元帥兼僉樞密院事遂推恩封其二代後命福建江西爲
一省改拜公資德大夫江西福建行中書省左丞仍治廣州
歲乙巳九月賊挾廉訪司副使廣寧等叛圍廣公禦之踰十
月部將與賊通絕糧道公出避城陷丁未五月復克之明年
制授公榮祿大夫自左丞陞右丞未拜而

皇明兵平江西詔至諭公公舉廣東之籍以降

上嘉公保民順命之績授中奉大夫江西等處行中書省叅
知政事洪武庚戌移山東行省越七年以老致其政初公追
思顯融之盛出於先世旣於東莞率族人建祠眞田以祀羣
祖復與弟迪謀悉以其先所遺田儲租入以祭其禰公猶未
慊於心乃以惠州城西之私第爲義祠斥所有私田百餘頃
爲義田世俾宗子主祀事恐族人不知學也有塾以教之恐

其羞服或乏也有粟帛歲賑之嫁娶喪葬有以助之疾病疲
瘥有以養之懼其久而失其意也爲書以訓之俾嗣弗壞而
來請銘嗚呼先王所以親民善俗之道遠矣賢人志士欲推
之於世而勢有所不能欲退而惠一族化一鄉而力有所不
逮者有之至於勢足以爲而不爲力可以至而不至者亦有
之此所以越數十世而事曾不一二見也惟公奮自韋布夷
盜保民輯寧南服致位尊顯卒能識機效順戢歛干戈爲民
請命使嶺南之民不易市肆又能推本反始孝于祖宗惠及
族人所踐所言允可爲法其於富貴可謂不苟處矣視被特
險而賊民私厥身而忘其所自者其賢豈不多哉是宜紀行
載勲著之樂石以爲後嗣式其銘曰
維昔至正德否亂生海沸山崩靡人不兵額頌粵南在嶺之

外獨賢肅呼民罹其害何公曰嗟我民何辜告于大藩請行
天誅乃戈乃及乃糗乃糧大旆修折人莫敢當叛將肆凶賊
我守邦鞭門疾呼鼠拱以降曷以褒功躋于左轄巨鉞良局
左旄右節豈惟其身錫爾社考峻爵崇勲以顯忠孝祖考榮
矣子弟孔多寶帶銀章威儀甚都邦人聚觀拜伏稽首披轡
徐驅詢其耆老耆老有言大哉公勲元衰不君公其我臣公
曰吁哉我志已定待彼有德爲汝請命赫赫
大明泚泚仁聲震于南荒勢無全城公束于戈載封版籍錦
韜龍函獻于小國

帝嘉厥功不勞我師錫燕彤庭 重瞳屢回大江之西公宗
之東祿食十年執政廟堂寅畏恭勤髯鬚盡白詔優老區勿
勞以職公歎謂人我德何爲祖考之惠幸以弗隳豐湖之西

有第奕奕玄極文牘既編且恤亦有土田被隰包原重穆存
年歲登百千我第以祠我田以祀祖考之休敢恤吾嗣池有
穹魚圍有嘉蔬以醢以殖丹荔清醑剖豕擊羊來丞來嘗孫
子咸臻布行或授以壘或奠以竿登降肅然莫敢叱咤
數具禮全陳几布筵孰爲弟昆孰爲子孫公曰族人亦孔之
夥揆本追原咸由於祖祖病在指四體靡寧奈何一身曾莫
胥矜爾餒爾寒我有粟帛爾昧弗通我學爾迪爾有災害我
則戚之或有燕喜則慶樂之我有爵祿我祖之故不私吾身
弘祖之祐豈無鄙夫爵祿是荷惟家之肥遑恤其他維公克
仁仁以保民惟公克孝尊祖睦親嗟爾後人惟公是師繼承
無忘公有訓辭

上虞縣重修柯家牌廣碑

上虞有湖名夏蓋延袤一百餘里縣東北衆水經上妃白馬
二陂匯于湖醜爲三十六渠支分絡聯以達于田凡溉一十
三萬畝有畸渠之下流建二石牌視時溢乾而畜洩之歲恒
無凶者近代農官失政畚土成塍取給一朝不旋踵而圯傍
縣亡賴男子當旱曠時又夜半決防以去然湖立于海鹵水
或乘潮入善禍稼舊嘗造隄捍其衝潮汐齧蝕至是亦暴潰
民憧憧告病矣乃洪武辛亥冬臨淮唐侯鐸自殿中侍御史
出守會稽上虞會稽屬縣人士羣走白侯侯愀然弗宣行海
上視決堤與民共約度田以會粟因口以賦庸鑿石爲隄自
蓮花池至纂風合萬有三千尺始與故石爲隄屬侯斬牲饗
海神已登民謂曰隄幸成二牌無難者會侯召入爲卿奉常
遂命僚屬集事其柯家牌廣二十有四尺深如廣之數而羸

其一先築土樹檠櫛比星攢度久且不壞方敷以石兩翼四隅咸欽甃如法中峙石楹左右皆有副缺坎陷版以爲縱閉復隨土形崇庳疏級爲五以瀉水上架石梁以便行者檠以章計者九百八十有五灰以斛量者三百六十又四石以丈數者七百三十有八匠以日考者一千三百其韓家牖廣減前牖之半深比廣倍之石楹唯二級道則減其一仍冠以石梁餘皆同其工物視前匠損四百石損五百灰損六十八檠損二百八十五始事於甲寅秋七月訖工於冬十有二月此其大凡也有道浮屠雷峯淨昱乃具事狀介太史氏朱君右徵濂文記其成予聞成周之時稻人掌稼下地以瀦畜水以防止水以溝蕩水以遂均水以列舍水以澮瀉水其爲法甚備其爲利至久也然而溝澮之屬所可考者其深廣自四尺

至八尺或至於尋恆各土先王豈不知害地而廢稼以爲不若是則水性失其常益則有溺患乾則禾將苗矣古制不可復見有能設瀦防以惠民者得不謂之賢哉昔者曾文定公之爲齊州州城西北有湖疏爲水門遇流潦暴集則取荆葦爲鞞納土於門以防外水之入公爲易之以石其深八十尺廣三十尺視水高下而閉縱之而禁障宣通皆得其節人無後虞今唐侯之爲牖也其事與之頗相類世言古今人不能相及果足信之歟是可書已相其成者通判府事吳敬知縣張翼管度等疏不憚勞勩者主簿史文郁也司其出內則邑大姓徐其其法實聯得書海堤別自有記茲可畧云系之以詩曰維夏蓋湖百川所泄在彼海邦其一醜爲通渠行水委蛇既稻與航其二制水有輔因時闢闔其法孔臧其三

農政斯缺惡壤為竭水失厥防其口侃侃唐侯爰詔爰諫中
心盡傷其五曰是弗修民焉有秋敢視焉常其六乃登衆屬
乃謀乃生乃輯其長其七曷會其衆工聚以族筮日奏功其
八瑒石工山衡厥于灣以捷以梁其九決塞有關既堅且完
若首有肱其十昔何如矣今乃順則弗隨我疆其十一行彼赤
日清流瀟瀟黃茂芄芄其十二食維民天非稼無年民用卒喪
其十三伊誰我憐五馬翩翩朱衣葱珩其十四成周之制有溝有
遂經畫維良其十五古法浸廢河渠興利其效則章其十六漢史
曰循惠平承民唯此之薦其十七矧乎鉅津比枕海濱澤被五
鄉其十八侯治之棘行尾心其十九朱翅父兄其二十越石可泐越川
可竭侯功勿忘其二十一

皇明文衡卷之六十一





